



資治通鑑綱目卷之十二

明 史官陳仁錫評閱

起丁未漢桓帝永康元年  
凡二十七年  
盡癸酉漢獻帝初平元年

能

丁未 **永康** 元年春正月東羌復反段熲擊破之○

夫餘寇玄菟

**質實**

夫餘國名注見桓帝延熹九年玄菟郡名注見武帝元封

二年

○夏四月羌寇三輔

**質實**

三輔郡名注見漢武帝征和元年

天象

○五月地裂

**書法**

地裂非小變也。自和帝永元七年一書於此，於是再見。故通鑑不書綱目特書

之終綱目書地裂

三詳秦庚午年

○是月晦日食○六月赦黨人歸田里禁錮終

身

上氣

賢

陳蕃既免，朝臣震栗，莫敢復為黨人言者。賈彪曰：吾不西行，大禍不解，乃入雒陽，說竇武及尚書霍諝等，使訟之。武上疏曰：膺等建忠抗節，志經王室，此誠陛下稷卨伊呂之佐，而虛為姦臣賊子所誣枉，天下寒心，海內失望。惟陛下留神澄省，時見理出，以厭人鬼，喁喁

可作祥妖  
註疏破千  
古不解之  
惑

最傷心語

之心。今臺閣近臣尚書朱寓荀緄劉祐魏朗  
劉矩尹勳等皆國之貞士朝之良佐尚書張  
陵矯皓苑康楊喬邊韶戴恢等文質彬彬明  
達國典而陛下委任近習專樹饕餮外典州  
郡內幹心膂宜以次貶黜案罪糾罰信任忠  
良平決臧否使邪正毀譽各得其所如此咎  
徵可消天應可待間者有嘉禾芝艸黃龍之  
見夫瑞生必於嘉士福至實由善人在德為  
瑞無德為災陛下所行不合天意不宜稱慶  
書奏因以病上還城門按尉槐里侯印綬霍  
諶亦為表請帝意稍解使中常侍王甫就獄  
訊黨人甫詰曰卿等更相拔舉迭為唇齒其  
意如何范滂曰滂欲使善善同其清惡惡同  
其汙謂王政之所願聞不悟更以為黨身死

皇極經世一漢孝桓皇帝永康元年

正編

士氣

賢

士氣

之日願埋滂於首陽山側上不負皇天下不愧夷齊甫愍然爲之改容乃得並解桎梏磨等又多引宦官子弟宦官懼請帝以天時宜赦遂赦改元黨人二百餘人皆歸田里書名三府禁錮終身滂往候霍諝而不謝或讓之滂曰昔叔向不見祁奚吾何謝焉滂歸汝南南陽士大夫迎之者車數千兩鄉人殷陶黃穆侍衛於旁應對賓客滂曰是重吾禍也遂遁還初詔書下舉鉤黨郡國所奏多至百數唯平原相史弼獨無所上詔書迫切州郡髡笞掾史從事坐傳舍責曰青州六郡其五有黨平原何治而得獨無弼曰先王疆理天下畫界分境水土異齊風俗不同他郡自有平原自無胡可相比若承望上司誣陷良善則

平原之人，戶可為黨，相有死而已，所不能也。從事大怒，即舉奏，弼會黨禁中，解所脫者甚眾。竇武所薦楊喬，容儀偉麗，數言政事，帝愛其才貌，欲妻以公主，喬固辭不聽，遂不食而死。

**集覽**

稷，高伊呂，稷名棄，姓姬氏，高息列反。姓子氏皆舜之臣，伊尹名摯，殷湯之

相，呂望，周武王之相，姜太公也。從其封姓，故

曰呂尚書郎。張陵，張陵以下六人，皆尚書郎

內幹，幹讀曰管，主也。平決，臧否，平音病，平其

不平曰平，否音鄙，臧否善惡也。平決其善與

惡，咎徵，書洪範篇，咎徵注，咎徵，叙惡行之驗

也。君行狂妄則常雨，僭著則常暘，逸豫則常

煖，急則常寒，蒙闇則常風，昔叔向不見祁奚

吾何謝焉，叔向名肸，姓羊舌氏，弟羊舌虎皆

春秋晉公族也。祁奚，姓名晉大夫也。左傳襄  
二十二年，晉之執政范宣子殺欒盈之黨，叔  
虎與焉。宣子并囚叔向。祁奚聞之，見宣子曰：「  
鯀殛而禹興，柰何以虎而棄社稷？」宣子說以  
言，諸平公而免之。祁奚不見叔向而歸，叔向  
亦不告免焉而朝。注言祁奚爲國非私叔向  
也。叔向不告謝祁奚，卽往朝。君明不爲已也。  
向音享。胙許乙反。歸汝南句絕。漢汝南郡後  
周改秦州。今汝寧府是也。舉鉤黨，舉劾也。鉤  
黨者相鉤引其黨與也。從事屬下句中。都官  
從事也。主察舉百官犯法者。青州六郡，今益  
都府本。漢北海郡，禹貢青州也。六郡謂濟南  
平原、樂安、北海、東萊、齊國。水土異齊，言不同  
和也。周禮五齊者，水、火、木、金、土五者不相入。

也齊才計反黨禁中解後靈帝建寧二年復治鉤黨今故云黨禁中解也

**質實**

一統

志云后稷堯臣為農師教民稼穡有功封于郃乃周武王之祖高與契通為唐虞司徒受封于商乃成湯之祖伊尹注見梁武帝太清三年呂望汲人姓姜名子牙年八十餘避紂居北海之濱聞西伯善養老乃之周文王出獵遇於渭水之陽載歸立為師稱曰尚父佐武王伐紂以安天下授以丹書之戒封于齊汝南郡名注見光武建武十九年賈彪潁川定陵人劉祐中山安國人魏朗上虞人劉矩沛國蕭人尹勳鞏縣人張陵成都人楷之子邊韶陳留浚儀人槐里縣名注見元帝永光元年霍詡鄴縣人首陽山注見武帝元封四

正編 漢孝桓皇帝永康元年



年史弼陳留考城人青州禹貢九州之一周禮正東曰青州蓋以土居少陽其色青故以名州武王封太公望於此爲齊國秦置齊郡漢分置北海郡屬青州東漢爲齊北海樂安三國地以青州治臨淄魏爲益都郡晉爲齊樂安二國地安帝時廣陵僑立南青州故於青州加北字劉宋省南青州乃去北字仍曰青州後魏治東陽又改益都郡後周改爲齊郡隋復爲青州尋改北海郡唐初爲青州後改北海郡乾元初復爲青州又陞平盧軍節度宋改鎮海軍金爲益都府元改益都路本朝改青州府隸山東道叔向注見靈帝燕平四年祁奚注見唐中宗嗣聖十五年

上誣君父  
可恨

# 秋八月巴郡言黃龍見

**質實**

巴郡注見獻帝建安十九年

初郡人欲就池浴見池水濁因戲相恐此中有黃龍語遂行太守欲上之郡吏傅堅諫曰此走卒戲語耳不聽

**書法**

建和初元書黃龍見譙矣此書曰言黃龍見何疑辭也若曰其言如此云

耳是故光武郡國甘露降則書言中元元年桓帝巴郡黃龍見則書言是年齊青州河水清則書言陳壬午年終綱目書龍見十有三詳惠帝二年惟平帝書越嶲郡上此書巴郡言皆疑之之辭也

大水海溢。○冬十月羌寇三輔張奐遣司馬董

卓擊破之

奐論功當封以不事宦官故不果拜董卓  
為郎中卓隴西人性粗猛有謀羌胡畏之

質

實 張奐酒  
泉人

書法 書張奐遣何歸功奐也乃以不事宦  
官黜其功而賞董卓其私甚矣此綱

目特書張奐遣病漢也是故董卓之破羌  
寇也書張奐遣田神功之破史朝義也書

李光弼使皆歸功遣之  
者也唐肅宗寶應元年

進退一關  
此輩國祚  
因之可懼  
哉

十二月帝崩尊皇后曰皇太后太后臨朝

初竇后既立御見甚稀唯采女田聖等有寵后素忌忍帝梓宮尚在前殿遂殺田聖

書法

賀善贊曰桓帝即位二十二年自延熹二年以前所書多為梁冀書策免

太尉固冀專也論定策功冀伐也立皇后

冀仇也策免太尉喬冀忤也貶清河殺李

杜冀誣也改清河冀私也封襄城君冀嬖

也張陵劾奏冀犯也殊禮增封冀泰也徵

陳龜還冀惡之也一年以後所書多為宦

閹書封五侯宦官與謀也單超將軍宦官

寵過也楊秉論作宦官貪縱也卒單超贈

送過制也獄皇甫規宦官仇陷也免馮緄

兩端盡矣

治天下以實不以文

章帝生河間王開開生解瀆侯救救生長寔生靈帝

宦官所惡也，卒朱穆，憤疾宦官也。膺等輪作，劾奏宦官也，殺成瑨，捕膺等，宦官所疾也。其餘自書災變邊事外，非報私恩，則事遊畋，急征歛，凡三立后，兩不食死，雖嘗三以震食舉賢，一徵處士，往。往。皆具文。其壞諸淫祀，若有見者，然再祠老子，則亦偶然而已。此桓之所以為桓也。

# 遣使迎解瀆亭侯宏詣京師

**考異**

提要無詣京師三字

竇武召侍御史河間劉儵，問以國中宗室之賢者。儵稱孝王曾孫宏，武白太后，定策禁中，以儵守光祿大夫持節奉迎。時年十二。

進

賢

**集覽**

解瀆亭地理志解瀆在安平國饒陽縣按饒陽今隸晉州劉儵河間人儵音倏

戊申

**孝靈皇帝建寧**

元年

**考異**

按歲年例曰正統大書君名注云後

有卽位在今年內者用之則此年歲首當書曰孝靈皇帝宏建寧元年

春正月以

竇武爲大將軍陳蕃爲太傅與司徒胡廣參錄

尚書事

**考異**

以下漏太后父三字

時新遭大喪國嗣未立諸尚書畏懼多託病不朝陳蕃移書責之曰古人立節事亡如存今帝祚未立諸君柰何委荼蓼之苦息偃在牀乎諸尚書惶怖皆起視事

**集覽**

柰何

委荼蓼之苦詩良耜篇以媯荼蓼注媯呼毛  
反拔田草也荼陸草蓼水草也箋云媯去荼  
蓼之事言其勤苦也今陳蕃以喻國有  
大事奈何委棄此勞苦而託病不朝

解瀆亭侯宏至入卽位○二月葬宣陵

**質實**

一統

志云宣陵在河南府城東北

○段熲擊東羌於高平大破之

以熲為破羌將軍

進

初熲既定西羌而東羌先零等種猶未服皇  
甫規張奐招之連年既降又叛桓帝詔以問  
熲熲上言曰東羌降於皇甫規者已二萬落  
餘羌無幾今張奐躊躇久不進者當慮外離

能

內合兵往必驚且羌虜人畜疲羸有自亡之勢欲更招降坐制疆敵耳臣以爲狼子野心難以恩納勢窮雖服兵去復動計所餘三萬餘落近居塞內路無險折而久亂并涼累侵三輔西河上郡已各內徙安定北地復至單危自雲中五原西至漢陽二千餘里匈奴諸羌並擅其地是爲癰疽伏疾留滯脅下如不加誅轉就滋大若以騎五千步萬人車三千兩三冬二夏足以破定無慮用費爲錢五十億如此則可令群羌破盡匈奴長服內徙郡縣得反本土伏計永初中諸羌反叛十有四年用二百四十億永和之末復經七年用八十餘億費耗若此猶不誅盡今不暫疲民則永寧無期臣庶竭駑劣伏待節度帝許之



兵

以存亡激  
厲成功

頰於是將兵萬餘人，齎十五日糧從彭陽直  
指高平，與先零諸種戰，虜兵盛，眾皆恐。頰乃  
令軍中長鑕利刃長矛三重，挾以疆弩，列輕  
騎為左右翼，謂將士曰：「今去家數千里，進則  
事成，走必盡死，努力共功名。」因大呼，眾皆應  
聲騰赴，馳騎於傍，突而擊之，虜眾大潰，斬首  
八千餘級。太后賜詔褒美，賜錢二十萬，以家  
一人為郎中，敕中藏府增助軍費，拜頰破羌  
將。

**集覽**

伏疾猶疾之隱伏在身，無慮。注見宋  
文帝元嘉六年。彭陽徐廣曰：彭陽在

安定郡，括地志云：故城在涇州臨城縣東二

十里。中藏府藏去聲。漢官儀曰：中藏府令掌

中幣帛金

**質實**

狼子野心。左傳：昭二十八年，  
晉叔向欲娶申公巫臣氏生

銀諸物